

OREOLE  
 CIBOLE  
 KOGUI  
 DAMANA  
 YUKPA  
 WAYUNAKI  
 ACHAGUA  
 ROMANÍ  
 ITTI ENAKA  
 ENOIA NI DALINGI  
 BARÍ  
 TULE KICHWA  
 WOUNÁN U'WA  
 EMBERA HITNÚ CUIBA  
 TATUYO TINIGUA PIAROASIKUANI  
 ÑENGATÚ GUAYABERO SIRIANO SÁLIBA  
 ACHAGUA  
 CARAPANA PUIHAVE PIAPOCO  
 EDUÚRIA TARIANO CARIJONA KURRIPAKO  
 NAMTRIK WANANO TUYUCA KUBEO BARÁ  
 YANAICONA NASAYUWE DESANO PISAMIRA  
 INGA PIRATAPUYO YURUTÍ BARASANO  
 AWA PIT. UITOTO TUKANO MAKUNA  
 TAWANO  
 CABYARÍ COBOLAJE KAMENTSÁ KAKUA YUHUP  
 COFÁN SIONA MIRAÑA  
 TANIMUKA ANDOQUE  
 COCAMA NONUYA  
 MUINANE OCAINA  
 TIKUNA  
 BORA  
 YAGUA



CUIBA

# Acuerdo Final para la Terminación del Conflicto Armado

Una publicación de  
**La Oficina del Alto  
 Comisionado para la Paz**  
 y traducida por  
**MinCultura**



## PODIWESI NATAJÜPAYA KAPANEPA

Po itane axutothe yabara kuekeujei po diwesi nantajüpaya kapanepa ichaxota La Habana tómaratha pomonae FARC-EP monae yawa Pomonae pentakoponaewi Colombia nakua, ichaxotha kueikueijeji xua nakuibarapentsi nexa xua penawabchüxeinaewa xaña tsitekaya jüntema jiwi jinompa.

### PUNTO 1

#### PENA DIWESI IRA YABARA COLOMBIA NAKUATHA: PEXAÑAXAÑATIWA IRA DAXITA KOYENETHA.

Xua pexañaxañatiwa ira daxita koyenetha jeita xua por ira pe kanakuitsiwa xaña matropecha kanakuita jiwi pe juntema pe jinompae nexa xaña ekeña nawabchü xeina ajbi, jiwi beta tsitekaya jinompae nexa.

- Barapo diwesi kantaxeina pomonae po iratha kanakuita xaña beta pe jinompae nexa waxanchi jiwichi, campesino monae yawa pojiwimonae kaexi.
- Barapo diwesi yawa kayabara nantaxeina xaña pomonae peitorobikoyenewa matakapona peyapusüüwa xeina, xua pe übiwa yabara, naexi ewata yawa xaña jiwi pexaewa xeina.
- Pomonae piya iratha jinompa na tane pomonae yatsikaeya barapomonae piya ira.
- Daxita karepaya kanantaxeina barapo nakuathe. Barapo diwesi ka yabara kanantaxeina po iratha yatsikaeya antadiwesibe xua pena jutebiwa yawa peakopebiwa yawa xua abe peübiwa yawa icha kopeiwa.

#### I. Po koyenetha ira kanakuitsina

Bepa pinae diwesi foroti ichaxotaha pomonae campesinomona jopa ira xeinaeyo yawa pomonae ira ta seikatsi, 3 millones de hectárea kanakuitsina 10 po weibeth tsane.

- Barapo diwesi ka nakuitina be meje: 1 po ira ta werewerkatsi diwesi barapo ira yabara, (2)po ira jiwi kaewa kobe notatsi, (3) po ira diwesi xañaxañata pena diwesi xua naexi peewatsi tsane (4) po ira pomonae jopa jume kowuntsiyo poxonae xua ira ka nakuita (5) po ira poxonae xeina na wabchu koyenetha (6) po ira xua ichamonae kachaba.
- Diwesi forotsina xaña juntema pebaxutixi nakowaeba pekomotsinexa xua kanakuita.
- Diwesi forotsina ichaxotha yabara paeba xua yatsikaewa piya ira, 7 millones de hectárea.
- Pomonae wun dubena pomonae yatsikaewa ira kanakuita metha bekein jopa ira xeinaeyo o tajupaetsi, kopiya kanantaxeina po yabixi jopa pepa tomaratha jinompaeyo yawa pomonae yabüxi piya epatotha pexui xeina yawa pomonae kuitaya warapa.

**Acuerdo  
de  
Paz**

- Xua barapo diwesi ka kantaxeina xaña beta kanakuita xua jopa ira abe exanae tsane matautano beta pekanatsiwa tsane xaña xeina penakuirubiwa yawa beta pe jinompae tsane, po bomüxuxi beta xua jüntema nabane.

Xaña xua beta ira kanakuita yawa jiwi jüntema nabarü jinompa, beta ira yapukururaba yawa xañaxañata po diwesi abe:

- Forotina po diwesi saya ma kapona xua ira yabara ichaxotha peübiwa yawa ichaxotha diwesi peabewa xañaxañata.
- Jeitsina po pekanantaxeinaewa xua ira yabara xua ichaxotha yatsikaewa wunae xua peübiwa
- Forotsina xua penabarü kuekueijeji pomonae nakua pentakajinompaewi yawa jiwi yawa pomonae pekanakuitsiwi.
- Ka yabara nantaxeinaena xaña poxonae 7 po weibe yapukaewa xeina xua diwesi ichaxotha wünae xaña barapoxonae beta namatomata.
- Ka nakuitina po diwesi yabara kuekueijeji xua eta po ira xua nakuita yabara eta po ira xua seikaya ewata naexi, yawa po ira campesino piya ira xua wünae ewata xaña barapo iratha na upain üba pi matabüxüyo yabara.

## II. Planes Nacionales

Diwesi kanakuitina xaña poxonae 10 poweibe yapukaewa bayatha daxita jopa jainbo nakuatha jinonmpaena, mataütano xaña kaemonaeyabe tsane xua pomonae jainbotha jinompa xua barapomonae piya iratha.

- Xua peakabiwa yabara ka nantaxeina penanauntong yawa xua pekocha müü perdubinexa yawa xua xañaxañatiwa po ira abe yawa xua ira tsikatsikata.
- Ka nakuitina xua penakurubiwa yabara yawa xua juntema pe jinompaewa yawa mera iñapana pe apaewa xua kanantaxeina xua pe jinompanae nexa.
- Kae diwesi forotina xua pekanaetsiwa campesinomonae xua icha koyenetha pe kanatsiwa xua po iratha pepatomaratha ajibi. Ka exnaena pokotsi koyenetha Estado ka nakuita.

## III. Pokoyene yatsikaewa ayapüsü xua penabanawa yabara.

Aña diwesi kanantaxeinaena xua xaña pejainbo ira ajibi, xua beta penabanaewa jiwi, po diwesi xua beta exana pokotsiwa üba, xua jiwi pomonae xua be jawapa xeina, diwesi forota xua eta po koyenetha bewa übi yawa eta po koyenetha bewa kanaeti, xaña barapo pe übiwa yawa pe kanaetsiwa bichokono ayapusüü.

## IV. Po diwesi xua pekanakuitsiwa ira yabara

Po iratha yatsikaeya akopeibi jiwi, ichaxotha na wabchu xeina, ichaxotha jiwi ajibi pomonae pentakaponaewi yawa xua abe pekanatsiwi, barapo iratha yatsikaeya ka nantaxeinaena xua yawenatsi ichaxotha barapomonae ka nakuitina yawa ta taeponaena barapo penakuitsiwa.



**Acuerdo  
de  
Paz**



## PUNTO 2

### PO PENANTAXEINAE DIWESI: ICHAXOTHA DAXITA KUEKUEIJEI JÜNTEMA PE JINOMPÆ NEXA

Po ddiwesi xua jüntema pe jinompæ diwesi nantawenona ichaxotha daxita pona pe kueikueijeji nexa, xua xaña daxita jiwimonæ beta nayai tane, ichaxota itaüta piya diwesi pokotsiwa nantaxeina xua peayapusë tsane poxonæ jiwi pæba pokotsiwa ta ayapubetsi poxonæ jiwi nakaitakuentaiba.

#### I. Peitorobikoyenewa yawa pexañein koyenewa xua diwesitha

Forotina pomonæ ka nakuita yawa xeina piya peyaapusuwa xeinaewa xua penakuitsinexa, yawa añunbe pomonæ FARC.EP xua perubiwa tsane po diwesi kaewa kayabara kanantaxeina. Xua pepa diwesi yabara pomonæ nakua pentakajinonpaewi exanaena peitorobikoyenewa xua xaña kui tataepona barapo diwesi yabara.

#### II. Pexañeiwa koyene xua beta penakuitsinexa

Exanaena xua pexañeiwa koyene xua beta penakuitsinexa, xua barapo diwesintha ka nakuitina: a) Xañaxañatina peitorobikoyenewa, b) xua jopa penatsikuentsinexa, c) xua araarana; d) xua yabarayoroba yawa tataepona. Yawa bara ichi pokotsi koyenetha nakuitina pomonæ pentakaponaewi yawa pomonæ koyeneinta nakuitenapona yawa pomonæ jiwi yabara jume babata.

#### III. Pokotsikoyene daxita jiwi xañei.

**pexañei koyenewa xua pomonæ pi diwesi ka nakuita yawa poxonæ pi diwesi babata.**

Daxita wabinchi pomonæ pi diwexi ka yabara nakuita xua daxita ira yabara xua pena yabara kuekueijeji nexaxua etapokoyenetha bewa exaena proyecto matawün xua naitakoyene duba peitorobi koyenewatha xua daxita penajume kopi tae nexa, yawa poxonæ po koyenetha pi diwesitha babata. Pomonæ tomara pemata kajinonpaewi diwesi dubina eta po koyenetha bewa nakuitina peitorobikoyenewatha.

#### Jiwi pe itübidiwesi xua pekuiekuejeiwa weya.

Baraxotha exanaena xaña kanakuita xua pekuiekuejeiwa weya, xua kuiruba eta po koyenetha bewabeta ka nakuitina, pi pematomokaewa yawa pinpekuiekuejeiwa exanaena xua beta pe jinompæ nexa yawa ichawaxino.

**Pexañeiwa diwesi xua beta penabarü jinompæwa, yawa xua bewa naaitafaetabi nexa.**

Barapo diwesitha forotina pomonæ diwesi matakajinompæna yawa xua beta penabarü jinompæ tsane, xua barapomonæ piya penakuitsi tsane xua jiwi yanabeibina



**Acuerdo  
de  
Paz**

poxonae diwesin kanaforoteibina poxonae xua po diwesin xua beta penabaru jinompaewa tsane kanakuitina, yawa pi diwesintha kayabara babata.

#### **Xua jiwi pe tataeponaewa.**

Pomonae nakua penantakajinompaewi diwesi forotina ichaxotha jiwi pikoya kui tataeponaena poxonae ka nakuita ira yabara yawa icha diwesixi.

#### **Podiwesi bewa daxita jiwi nakuitina pi koyenetha**

Nekobeibina pe nakuiti koynewatha pomonae aungxue diwesi babata barapo koyenetha xaña daxita jiwi itakaupatsi pi diwesi babata poxonae ka nakuita xua nantadiwesi jeba.

#### **IV. Pokoyenetha jiwi bewa pi diwesin babatina.**

##### **Pokoyenetha bewa jiwi bewa pi diwesin babtina xua daxita penantajupaewa nexa xua piya penantaxeinaewatha**

Nantajupaeya duta xua bewa xinae tsane po jiwi pediwesitha pebabatsiwa xua beyancha pokotsiwa kopiya dukua yawa poxonae nabebei tsaibi pomonae penamatkajinompaewatha, matautano po koyenetha pe itorobikoyenewa.

##### **Pokoyenewatha bewa nabebei tsaibina xua jopa pemuxujabi tsane.**

Barapo koyenetha ka nakuitsina poxonae nabebei tsaibina xua yawano jopa bewa muxu jañabiwa tsane po iratha yatsikaeya kopiya nakaitakuentaiba xaña beta najume kopi tane. Matautano exaena ichaxotha jiwi jume taibinchi xua na ununtapona poxonae nabebeitsaibi, pokotsiwatha petinaewatha kanakuita.

##### **Pokoyenetha bewa beta nabebei tsaibina**

Kana forotsina po diwesitha xua yatiskaeya pomonae yaputane jiwi yabaratha xaña barapomonae muxeweiteiba ponaena pomonae penantakajinompaewi xaña jiwi pexeinaexae peyaapusüwa poxonae nabebei tsaibi matautano xaña jopa bewa muxu jañabichi. Xua baraxua jumekowunsiwa nexa pomonae penantakajinompaewi exaneana peitorobikoyenewa.

##### **jiwi pi kuiru koyenewa xua pe kueikueijejewa.**

Pokoyenetha bewa jiwi ayapusü exanaena xua penakuirubi weya po koyenetha xua daxita karepaya najume tane yawa po diwesin xua penantakajinompaewa yabara, yawa xua yabüxitha penantakajinompaewa diwesi.

##### **Po koyenetha bewa jiwi juntema jinompaena**



**Acuerdo  
de  
Paz**

Kanaforotsina pena 16 pokoyenebetha xua pe ununtsiwa xua pomonae nakuita camaratha aña dapaetahabe, xua xaña baraxotha araranatsi po iratha koipyia antadiwesibé yawa ichaxota pomonae penantakjinompaewi jopa pateibiyo.

### PUNTO 3 NAPUWETA XUA PENAWABCHÜ XEINAWI

#### NATAJUPAYA DIWESI XUA JOPA EKECHA NAPUNA TSANE YAWA XUA BEWA KUPE PENTEBINA.

xua po diwesi natajupaya kanantaxeina xua jopa bewa ekecha napuna tsane yawa xua kupe pe pentsiwa pomonae wowe kupe pexeinaewi yawa unupiwi FARC-EP, xua ekecha jopa bewa penabarainaewa , xua barapo koyenetha bewa jinopeibina xaña jiwi beta jinompa..

xua piya jume kowuntsiwa barapo diwesitha itauta xua yatsikaeya xañei nantajupaeyobetha kanabaru kueikueijei xua kupe pentsiwa tsane yawa xaña tomara piwi nakuixainwata xua unipiwi FARC-EP ekecha tomaratha pejinompaewa tsane.

Xua kupe penakobe pentsiwa apara aña kui nawita, xua itaküpatsi pexañaxañatiwa diwesi pomonaetha penantakjinompaewi Naciones Unidas monae, barapomonae kupe notsina unupiwi piyawa xua barapoxonae icha ka nakuitina xua jiwi naeinwan forotina.

Xua penajumekowuntsiwa pokotsiwa natajupayo kanayabara nantaxeina xua kupe penakobe barapentsiwa xua yatsikaeya xañei yawa po koyenetha bewa ekecha barapomonae unipiwi kaewa tomaratha jininompaena, kaeto katinichi 22 po ira muxunenepaeyobein yawa 6 pomonae kana forotsina xua juntema pejinompae nexa beya poxonae nantiyobe najume jejeibe.

Barapo penajume taeyobe kanaforta 7 po diwesiyobe penakuitsinexa 25 po jumexitha xua po diwesi kupetha penakobe pentsiwa yawa xua jopa ekecha napuna tsane pomonae kupe pexeinaewi, barapo diwesi nantawenona bewayo kanakuita xaña beta boka.

#### I. Penantakopi karukaewa diwesi

- Barapo diwesitha kananta xeina xua po makabintha ka nakuitina 180 po matakabibe xua kupe penakobepentsiwa yawa xua jopa bewa ekecha napunaena.
- Matautano po diwesithe ka yabara nantaxeina xua pokoyenewa bewa tataeponaetsi unipiwi pomonae penankajinompaewa ichaxota unipwi jinompaena.



**Acuerdo  
de  
Paz**

- II. Pokoyenetha bewa kanakuitsina xua kupe penakobe barapentsina .**
- Pinae xeina 35 po diwesiyobe xua jopa bewa exanae tsane po diwesitha dubena xua poxonae kupe penakobe barapentsina.
  - Jeita ichaxota antadiwesibe tsurukuë xua diwesi abe exanaxuba pokotsiwatha kueikueijeji ichaxota podiwesi kupe penakobe barapentsiwa yawa jeita xaña peayapusü koyenewa jiwi yabara jopa abe tsane.
- III. PO KOYENEWATHA BEWA TATAEPONANCHI**
- Barapo koyenetha kanakuita akoibi monaeyobe (pomona Colombia penantakajinonpaewi, ONU monae yawa unupiwi FARC-EP) pe barompae nexa xua po diwesi kupe penakobe barapentsinexa yawa tataepona xua xaña jopa antadiwesi be tsane.
  - Pomona xua daxita ira petataewi barapomona taena xua xaña yatsikaeya beta tane xua kupe penakobe barapentsiwa xua kana pokotsiwa bayatha nayabara kueikueijeji kopiyatha.
  - Xua po koyenetha xua tataewa xua jopa bewa muxu jañabi tsane yawa matautano beta peexanae tsane, daxita peitorobi koyenewa nantujupaya kanakuitina tsane Colombia iratha.
- IV. Iratha yabara koyenewa**
- Exanaena xua pokoyenewatha unupiwi FARC-EP, po ira tsüjei tusato tsurukuae yawa ichaxota kaeto be jüntema jinompaena xua pomona yaquiquibiya tsenae kui tataeponaena.
  - Matautano bichi yabara paeba xua pokoyenewatha bewa exanaena 180 po matakabibe.
- V. Pe ewatiwa**
- Kananta xeina xua petataewa tsane xaña xua pejuntema jinompa beta kui dukuapona pomona unupiwi FARC-EP, pomonae nakua pentakajinompaewi yaw poxi yaquiquibiya tsene yawa pomona barapo diwesi mata kapona.
  - Kanakuita daxita pe ewatiswa koyenewatha xua pe ponaewa nexa, xua beta pe ewatsiwa ichaxota kupe pe jebiwa, pexu xua unupiwi kain kobenaina.
- VI. Pkanakuitsiwa**
- Exana po koyenetha bewa beta kanakuitsiponaena xua ZVTN, PTN yawa MM&V (daxita nakuatha) po diwesi poxonae kupe penakobe barapentsiwa.
- VII. Kupe pena kobe barapentsiwa**



**Acuerdo  
de  
Paz**

- Kanakuita ichaxota tataepona xua pokotsiwa peweunxi dubena, yawa xua diwesi jeita xua poxonae unupiwi FARC-EP monae yatsikaeya kupe penakobebaparentsina yawa xua yatsikaeya daxita kupe kachabina.
- Kanakuita xua pexañei diwesitha bewa notsina ONU monae poxonae daxita kupe notsina FARC-EP monae kain kobe naina xua xaña barapoxonae yatsikaeya yai tane xua xañei xua kupe penakobe barapentsiwa barapomonae FARC-EP monae.

Xua CFHBD yawa DA apara xua yatsikaeya nakui itauta xua kupe penakobe barapentsiwa Colombia nakuatha yawa unupiwi pomonae FARC-EP mona, xua nakui itauta xua bayatha nakobesa penta kupe pe kainompaewa xua barapoxoane juntema pe jinompae tsane pepa tomaratha.

### **KAEWA PE JINOMPAEWA FARC-EP MONAE PEPA TOMARATHA YAWA KOPEIWATHA YAWA PEKUEIKUEIJIWATHA POKOTSIWA XUA BARAPOMONAE TSITA WÜÜNĒTSI.**

Xua pomonae unupiwi FARC-EP monae kaewa ekecha patina pepa tomartha xua juntema pe jinompaewatha xua bara koyenetha xua ponamto ka nantaxeina beta penawutsinexa pi jimonaexitha baru jinompa po iratha yatssikaewa ka nakuitsi nexa xaña beta kanakuita pokotsiwa pe übiwa.

Xua FARC-EP monae kaewa juntema pe jinompae nexa pepa tomaratha ka nakuita xua aña kui pokotsiwa yatsikaewa pikoya nantaxeina xua pokoyenetha ka nantaxeina pe ayapusü kuita.

Poxi pexui napu wetadukupa poxonae kaena aena yabara kueikuejei xua juntema pena baru jinompae nexa matautano yawa pomonae napuweta poxonae podiwesi wetaba po diwesi xua nantajupaya ka nantaxeina, barapomonae ewatinchi aña kui koyenetha. Barapo pexui ta yaitainchi pi pe ayapusü koyenewa pokotsiwa dubena icha peayapusü axutotha pomonae penawabchü xeinaewi, barapomonae kopiya yawenaenchi xaña ekecha pi jiwimonaetha patha icha ita kui jüpatsi matautano ka ponainchi icha xota po iratha naforotungkua yawa po iratha wichabungkua.

### **PENA AYAPUSÜ KOYENEWA**

- Poxonae yatsikaewa napuwetina xua yatsikaeya kupe penakobe barapentsiwa, pomonae unupiwi FARC-EP monae piya kuita kanafortina xua peyaapusü pexeinaewa xua pena bebeiwa nexa xua pe babatsine nexa pi penantaxeinaewa.
- Xua xaña jopa ta tdnagwei tsanchi tsanchi barapomonae kachabeibinchi ka weitha tsane beya poxonae 19 de julio 2026 weitha, xua pe kanakuitsinexa poxonae kanaforta piya penakaitorobiwa nexa xua pena bebeiwa po pebaxumonaetha epa kaxika 10% matautano 5 % xua weitha tsane pokotsiwa pe itaubiwa pokotsiwa barapomonae exana 19 de julio 2022.



**Acuerdo  
de  
Paz**



- Pomonae wung dubena ichaxotha congreso xua pena kanafortsiwa nantawenona nantajupaya nabebei, icha jopa xeinaeyo 5 poyobe ichaxotha cámara, moya katutabina xaña nantajupaya xeina.

#### **PENA KOPEIN DIWESI YABARA**

- Be pokotsiwa nantajupaya exana pomonae FARC-EP xua yatsikaewa penakobe barapentsi nexa kupe, be pokotsiwa bayatha natsi jume duba, barapomonae yaitainchi poxonae unupiwi FARC-EP monae kata pewunxi.
- Poxonae yatsikaewa napu weta xua kupe penakobe barapentsiwa kanaforotsina ichaxotha penantajiwi kajinompawewi añumbe tsane, añunbe tsane pomonae CNR, yawa añunbe tsane unipiwi FARC-EP monae, xua tataeponaena yawa kou kaponaena xua pokotsiwa bayatha nantajupaya duba.
- Po koyenetha ekecha kaewa kopeiwatha beta ka nakuitsina nantawenona exana xua jiwi kaununtsia wun tinatsi xua kopei yabara pomonae FARC-EP, baraxotq pe yaitaenexa xua pokoyenetha bewa ka nakuitsina ira xaña xua yawa jopa bewa ira kayati yawa pomonae baraxota jinompa. Matautano yawenaenchi pebaxutotha saya bara kaeto xaña tamarota notarukupa penakuitsiwa .

#### **PENANTAJUPAYA EWATIWA XUA BEWA POMONAE ABE PE JINOMPAWA**

Barapo pe nantajupaya peewatsina kananta xeina xua peewatsiwa nexatsi pomonae jinompa daxita po riathe nakue, matautano peewatsinaexatsi xua po ira jiwi jinompa yawa barapomonae po iratha ka nakuita, yatsikaeya pomonae FARC-EP monae kopyatha jinompa. Barapo penajuntupaya pe kanantaxeinaewa kan anta xeina pomonae achaxaibi xua penawabchu xeinaewa, matautano pomonae jiwi baraina xua achaxaibi po diweis xua beta jinompaewa tsane jiwi.

#### **Pomonae pewunae ewatiwa**

Barapo matabuxuyo ka nakuita xua yatsikaewa peayapusuwa pexeinaewa pomonae tomara penantakajinompae nexa xua pomonae abe pe exanaewi jetitatsi.

#### **Pomonae peunae tataewi**

Kananta xeina xuaq po diwesi nantajupaya kananta xeina xaña jue kowunta.

#### **Pomonae jiwi peewatsiwi**

Pomonae naitomata xua xua xaña jopa penafortsinexa pomonae abe peexanaewi.



**Acuerdo  
de  
Paz**

### **Xua po koyene jiwi beta wünae tatanexatsi pekuekuejiewatha.**

Para po koyene kananta xeina xua pewünae tataenxatsi pokotsiwa FARC-EP monae forota pi diwesi pe matakoponae nexa pe juntema pe jinompae nexa po iratha ta tsabatsi kaeto pe jinompaexae yawa piya matabuxuyobe.

- Po koyenewatha bewa wünae ewatinchi kaeinxae yawa piya matabuxuyobe.
- Po koyene tasikaeya peyapusüwa pexeinaewa poxonae pekuekuejiewa.
- Pon pentakapnaein piya jinton.
- Po diwesi yabara paebe xua pomomonae kain kopiya unupiwitha jinompa yawa pe kanaforotsiwa piya monaeyobe piya diwesi pe kajinompaexae poxonae kaewa pepatomaratha juntema pe jinompaexae.
- Peewatsiwa ichaxota UNP.
- Pomonaeyobe xua diwesi mata kajinompa xua wünae peewatsiwa.
- Pomonae jiwi peewatsiwi.
- Po diwesi mata kaponae xua pomonae kaewa pata pepatomaratha jutema pe jinompae nexa.
- Po diwesi pikoya na wünae ewata.

### **Po diwesi ka yabara nantaxeina xua pewünae ewatsiwa tomara piwa piya iratha.**

Xaña juntema jiwi pe jinompae nexa piya iratha.

### **Po diwesitha bewa tataeponaena pomonae abe pe exanaewi**

Barapo diwesi kanantaxeina xua yakuinaya pu barapitaba poxonae ira bepa abe exanajei pomae pe abewi, yawa penayawenaenexa pomonae kupe pexeinaewi ira pe ewatiwi.

### **Po koyenetha bewa tataeponaena yawa eewatatsiniya.**

Barapo diwesi kananta xeina xua xaña po diwesi bepa kanakuita xaña beta exana pe wünae kowaetha xaña kotakaya jopa antadiwesibeyo.

### **Po diwesi antadiwesibe achaxaibi.**

Ka nananta xeina xua jopa bewa exanae tsane xua pemuxujañabiwa.

## **PUNTO 4**

### **PO DIWESI KAPANEPA XUA ABE PE ÜBIWA**

Barapo nantajupaya pekanantaxeinaewa unupiwi monae FARC-EP yawa pomonae pepa nakua penantakajinompaewi, xua yatsikaewa diwesi kapanepa xua abe pe übiwa yabara xua kae diwesi natarukuapona xua penawabchuxeinaewi yawa kopei pexeinaewi xua pekanatsiwa barap abe pe tsutsubiwa.



**Acuerdo  
de  
Paz**

Pomonae penantakajinompawewi kanantaxeinadubenanaebiya xua pe kanakuitsi nexa po diwesi wunae xua jopa be ekecha penafortsinexa pomonae xua abe yawa xua abe peübiwa ichaxotha jijiwi piya iraxitha bayatha juntema jinompa.

Barapo penanta jupaya diwesi ka nantaxeina xua bayatha jopa bewa ekecha xua abe peübiwa ka nakuiti, nantawenona nantiya nayawena pomonae pena nakua pemata kajinompawewi yawa unupiwi FARC-EP monae.

## I. Xua po diwesi xua abe peübiwa kapanepa.

Xua pe kapanepae nexa barapo diwesi xua abe peübiwa ka yabara paeba po diwesintha:

- Kanaforotsina xua po diwesi barapo nakuathe xua xaña po abe pe übiwa xaña xaña xaña.
- Kanakuitina xua jopa kaewa pe übiwa tsane barapo abe pe übiwa. Barapo pe exanaewa wowej pomonae wexotha jinompa jopa ka nakutsi tsane yawa barapomonae puna nakutsi tsaane pomonae baraxua ka nakuita.
- Kanaforotsina xua xaña daxita karepaya diwesi kata.
- Itautsina po koyenetha bewa ewatsina unuxi yawa menxi yawa po ira a ira be.
- Kopiya kanantaxeina peyawanaenexatsi ichaxotha ira kanakuitatsi pomonae PNIS.
- Kanantaxeinaena xua kaewa jukaena xoxi jijiwi topa ukubabatsi yawa daxita kawita xubina po ira nakuathe.

## II. Xua abe petsutsubiwa.

Barapo penantajupaya kanantaxeinaewa ichichipa ka nantaxeina xua abe petsutsubiwa poxoru baraxua abe exana pepongtha beraxotha diwesi kanaforotina xua xaña baraxua jopa jijiwi abe exanatsi.

- Kanaforotsina po diwesi eta pkoyenetha bewa jopa ekecha abe tsutsubiwa ichaxotha diwesi kuekueijeintsane barapo diwesi yabara xua xaña barapoxonae icha diwesi forota xua beta jinompaewa tsane.
- Matautano tataeponaenchi pomonae kain koipiya abe tsutsuba.

## III. Diwesi pe kapanepawea xua jopa bewa pekanaetsin nexa xua abe petsutsubiwa:

Xua xaña po diwesi kananta xeina xua pomonae abe pe exanaewi jopa nafortsi tsane yawa xua kopei peforotsiwa barapo diwesi kanant xeina be meje:

- Ka yabara nantaxeina pena diwesi koyeneintha xua xaña ayapusü pexeinaewa yawa xua penajuntu jupaya ka nantaxeina kae diwesitha.
- Xua bewa forotsina po diwesi xua abe pekanaetsiwa yawa xua petsutsubiwa yawa po kopei abe jopa nafortsi tsane.



- Pomonae penantakajinompawewi tataeponaena xua pokoyenetha bewa kanaetwsina yawa jopa peka nakutsi nexa poxonae üba.
- Pokoyenetha bewa araranaena pomonae abe pekanaetsiwi.
- Diwesi itauba ponaena po diwesi xua natanwenoana jopa jiwi barapo pe übiwa amuxuweibitha kankuiti.

## PUNTO 5

### PENANTAJUPAYA DIWESI POMONAE KAIN WABXHÜTA ABE TA EXANATSI POKOYENE XAÑEI PEXAÑAXAÑATSIWA YAWA XUA JOPA BEWA TAMAROPATA PITABI.

#### 1. Kae diwesi yabara koyene:

Barapo koyenwatha añä diwesi kananta xeinaxua judiciales jei yawa extrajudiciales baraxua kanantaxeina:

- Kapanepaena xua po diwesi kanakuita xaña yatsikeya xañein.
- Kui tataeponaenchi xua eta po koyenetha pata yawa poxonae kopiya jutna jinompa.
- Peayapusü pe exanaewa xua xaña daxita na nakuita.
- Xaña xañei xua ekecha jopa abe pe exanaewa yawa jopa ekecha abe pe übiwa tsane.
- Kae diwesi: daxita diwesi nantajupaya nakuita dubena pona.
- Pejnopmaewa: xua pokotsiwa icha pe exanaenexa pe itorobi koyenewa xua ekecha jopa bewa tamaropa pitabi xua abe peübiwa.
- Aña diwesi: barapo diwesi exanaena pi kui koyenetha xua pe yapusuwa pe katsiwa nantajupaya pe exanaewa pomonaetha kopiyatha nawabchu xeinaewi kopiya abe pe exanaewi, icha barapomonae jume kowunta.
- Penajumetaewi: pomononae kopiya ta abe exanatsi barapomonae najume taibina poxonae nakatuteiba.

#### 2. Pokotsiwa piya koyenetha:

1. Pomonaeyobetha jiwi tataepona xua xañei yawa xua jopa bewa tamaropata pitabiyo.
  - apara pi koyenetha ka nakuita xua be saya kaetopiya iratha jeitina xaña pomonae beraxota jinompa beta jinompaenexa
  - pi penantaxeinawa meje:
  - pexañaxañtiwa po diwesi kopiya antadiwesi be
  - kanakuitina xaña pomonae kopiya ichamonae abe ta exanatsi poxonae kupe pe kajinompawewi.
  - Xaña piya iratha beta nabaru jinompa.
2. Pomonae kanakuita xua jeita pomonae kain puxanebatsi poxonae nawabxhu xeina



**Acuerdo  
de  
Paz**

- Apara pomonae yatsikaeya peyapusuwa xeina xua jiwi peyawenaenexa pematakoponaewi kpei yabara.
- Jeitsina pomonae kain puxanebatsi poxonae kain na wabxhu xeina xaña ekecha juntema pe jinompae nexa piya iratha.

### 3. Peayapusu koyenewa juntema pe jinompae xatsi.

- Xua peayapusu kanakuita exanaena yawa jume kowuntsina pokotsiwa Colombia nakuatha bewa diwesi jeitinayawa teikeibinchinpomonae yatsikaeya abe exana.
- Daxita ka yabara jeitina diwesi peteikae tsanchi poxonae jiwi teikatsi, poxonae jiwi antamobiya bobena, poxonae teikatsi xua matoma wukeibatsi, yawa pomonae jiwi pe kaitakuentiwi yabuxitha yawa pomonae jiwi yoyota pona.
- Pomonae kain na naponapokotsiwa po diwesi nantakarubanya yawa matautano naitakuitane baraxua teikanchi yawa jebinchi 5 , 8 po weibitha enaena, pomonae abe exana ichitha namuxu semata 15, 20 po weibe enaena.
- JEP kana forotsinapomonae diwesi peyaputaewi pomonae aungxue itapetinchi ichamonaetha pe itabaratha, yawa pon Papa baraichi piya jinton itapetina, ONU monae, pomonae diwesi peyaputaewi nakua yabara yawa pomonae penakuirubiwa monae.

### 4. Pokotsi koyenetha bewa xañaxañatina juntema pe jinompawea:

- xua penawabchu xeinawa naputa weta baraxota na itakaupa xua ekecha nakata diwesi xañaxañata pokotsiwa ka nakuita pomonae penantakajinompawei.
- Ichawixitha yai tane pokotsiwa bewa exanaena piya koyenetha xua xañaekecha beta exanaewa pomonaexitha nabaru jinompatsi xua ira koyenetha.

### 5. Xua ekecha jopa bewa exanae

Xua ekecha jopa bewa exanaewa apara baraxua nantajupaya ka nakuitapona xua pokotsi diwesi kanakuita pokotsiwa aña axutonta dubena yawa xua kupe penakobe barapentsiwa yawa xua ekecha juntema pe jinompawetha pepa tomaratha be ichi paeba po jume 3.

### 6. Pokotsiwa diwesi be forotsiwa yawa jiwi beta yaitanexa

- Pomonae nakua penantakajinompawei paeba apara pomonae yatsikaeya pi ya jume kowuntsiwa xua pe ewatsiwa yaw ape ituriya tane pomonae kain kopiya nawabchu xeina piya iratha pejinompaeaxae.



**Acuerdo  
de  
Paz**

- FARC-EP monae paeba pinae ituriya taena jiwitha xuan jopa be ekecha kaitakuenti tsane yawa ka jimonaе namuxu weta xua barapomonaе juntema pe jinompae nexa pena kuita pepa tomaratha yawa piya iratha, yawa icha jiwitha pomonaе po nakuathe jinompa.

## PUNTO 6 POKOYENETHA BETA TATAPONAENA

Xaña xua beta penajume kopi taewa pokotsiwa nantajupayanata xeina barapo koyenetha tataponaena xaña beta natarukua pona diwesitxitha:

### I. Pomonaеxi jiwі kui yanaba pona

- Xua pomonaеxi kanaforota xua juntema pe jinompae nexa ixhaxotha Bogota tomaratha methaunxuae kana forotina akoibi po jintongbe pomonaе jiwі pemata kajinompawі, akoibi po jintongbe pomonaе FARC-EP.
- Barapomonaеyobe kananta xeinaena pokotsi koyenetha: 1.) xañaaxañatina po diwesi abe xua poxonaе katswa jume tane, 2) kui tatae ponaena xua xaña beta exanapona xua yawa jume kowunta, 3) xañaaxañatina diwesixi xaña beta najume kopitane po iratha jinompa.

### II. Pi diwesi

CSVР yabara kueikueijein tsane barpo diwesi yabara xua pokotsiwa penajuntajupaya diwesi kanantaxeina.

- Barapo diwesi ka nakuitsina 10 po weibe xua pekanakuitsiwa nexa xua yatsikaewa jiwі nantawenona pokotsiwa pe nantaxeinaewatha xua pi kui koyenewatha.
- Barapomonaе CONPES diwesi exanaena xua po kopei ka nakutsinabarapo diwesitha.
- Barapo diwesithaexanaena aña dapaethabe xua pokotsiwa poxonaе presidente ununteibatsi cua cuatro poweibe tsaibi, PND xua kopei ka nakuitapi kui koyenetha.

### III. Po koyenethabewa pebaxu kanakuitina ira pe kanantaxeinaewatha

Exanaena xua pexañaaxañatsiwa xua diwesi pe forotsi nexa municipio yawa Departamento, yawa xua pebaxutotha xua jiwі ta pateibatsi, yawa departamento kachabeibatsi xua peyawenaе nexa po diwesi nantajupaya kanantaxeina.

### IV. Icha koyene



**Acuerdo  
de  
Paz**

- Kanabaru nakuitina pomonae jwi pekachabi xua penakuitsiwa xaña nantiya nantajupaya nakuitaponabe.
- Kanafortisina icha koyenewatha xua xaña jopa bewa namuxuxañabiwa poxonae kopi dukua pona xua juntema pena baru jinompaewa kae iratha.

### KAENANTAJUPAYA DIWESI

Poxonae 23 po matakabi po xometo junio po weitha 2016, pomonae penantakajinompaewi wa tomara piwi yawa pomonae unjujiwi FARC-EP monae kanantajupaya nantaxeiwa xua bewa jume kowuntsina po peitorobi koyenewa 156 po weita 2015 pomonae camara monae, 94 po weita exana 2015 pomonae senado monae pokotsi jumeta dukua Corte Constitucional.

Po matakabitha 18 po xometo Julio, 2016 weitha sentencia C379- 2016 weitha xua Corte Constitucional paeba “xua po diwesi xua nantau karuta ixha koyenetha babatinchi ichaxota nantiya nantajupaya pe exanae nexa xua juntema pena baru jinompae tsane barpo tsitekaya kuitha”



**Acuerdo  
de  
Paz**